

بطاقة الكتاب

عنوان المؤلف: همس العيون

المؤلّف : محمد جمال حسان اسم الشهرة : (محمد الشاعر) التصنيف : أشعار رقم الإيداع : 2018 - 5198

عدد الصفحات : 100صفحة

رقم الإصدار الداخلي: 148

تاريخ الإصدار الداخلي: فبراير 2018 (الطبعة الأولى) تصميم الغلاف والتنسيق: دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأي دار نشر طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى: 13242

بطاقة ضريبية: 35-01-572-01-5-165 رقم التسجيل: 2017-7 544-662-202

E-mail: alnile waalforat@yahoo.com

النيل والفرات: twitter

youtube: alnile waalforat@yahoo.com

facebook: alnile wa alforat

هاتف : 01011256943 - 01116202218 - 01202541192

قية - العاشر من رمضان - مجاورة ١٣ - عقار ٢٠٥ - الدور الثاني - أمام سنتر ١٣



الإهداء

إلى عشاق العزف بالكلمات والإستمتاع بالقراءة للإبداعات الراقية الى قرائى الأعزاء أهدى إليكم باكورة أعمالى الإبداعية حيا وكرامة

محمد جمال حسان (محمد الشاعر)

https://www.facebook.com/profile.php?id=100003169307880

أنا استاهل

يمكن يكون اللي جوايا يعديكم والله لو ليا حبايب من قسوتكم تعاديكم وانا زمان لو جرحتوني جرحي يفاديكم انا اللي استاهل دوس الناس عملت نفسى مداس فلبستوه في رجليكم وانا استاهل عملتوني مسجون في يوم وليلة خلاص والله انا استاهل اكيد لدوس الناس لو كنت يوم افهم أو فيا عقل ساكن في الرأس كنت عرفت الخيانة هتكون ردهم للشوق والاخلاص كنت استنيت اهانة مش حب وغرام وإحساس وانا استاهل وانا استاهل كتير وكتير مدام بحب مدام بغير وكان باين وكان خاين وبيتهمني انا بالتقصير وكان حبه بيتعبني اروح واجى مفيش تغيير كرهت لاجلوا انا نفسي وكان نفسى في حبوا اطير نسیت روحی علی جروحی سالت نفسی هطیر ازای

ايوة صحيح

هو انا طير هو انا طير

وانا استاهل

كنت يتيم الحب

كنت يتيم الأب وامى نفعانى

الحمد لله يارب

انی فضلی حد دة قلبی بیعانی

من كتر القسية في الليل

أحب صبية الصبح بيعانى

اكيد العيب عليه

والقلب جرح فيا بيحب في ثواني

ظلمك لي

وايه غايتك في الحياة غير بس تظلميني زى جاحد هد اللي بناه نفسى في يوم تفهميني تروحى شمال اجيكي تروحى يمين تلاقيني فاكرة حبى ليكي ضعف تبيعي فيا وتشتريني لا يا قلبي ليكي وف يوم ما تيجي وتجرحيني بس انا قلت يوم تعقل

لازم في يوم تتقل كنت بستانك يا وردة وجه اليوم الوردة تدبل وردة عاشت وردة ماتت بس عيوني حاش الله تدمع وشاهدة كل الناس والحق من ربى فشوف واسمع مين اللي ظلم مين ومين اللي جرح مين ومين اللي عنيه خاينين فمترجعش تشكى وترجع تانى تبكى وجايا اليوم تداويني واية غايتك في الحياة غير بس تظلميني قلت بحبك مليون مرة جيتلك عاشق شوفي كام مرة

بيا حياتك بقيت حلوة وبیکی حیاتی صبحت مرة لية فاكراني دايما قاعد انتى وقلبى هرميكوا برة الحب عرفناه للنسوان والرجالة في بلادنا حرة والضعف عندى اصلة قوة فنفسك ترجعيلي کان ع عینی واية غايتك في الحياة غير بس تظلميني

مین یزاید علیا

مین یزاید علیا ولاحتی یلوم
عشان بحبك بضحی عنك اصوم
من امتی الصایم كاره الزاد والمیه
ومن امتی الحاكم یحس بالمحكوم
بخاف علیك منی یا اقرب من الننی
صحیح بضحكتی بكسرك والقلب مهموم
عایزك تطیب وتبعد والله غصب عنی
فتشوفنی ظالم وانا بعدك مظلوم
یارب حملی تقیل انكتب علیا أبعد
هون أمانة مدام هعیش انا محروم

انا اللي في بلدي فسقيت الاموات احلى من بيتي ولما اقول الآه واتوجع يقولوا غلط ويهينوا تربيتي مع انی عایش ومش عایش يدوبك بجرى على قوتى ولو اتكلمت اموت ولو سكت ميت یا نفس همی بقی موتی وارحميني من عذابي واكتمى بجد صوتي انا اللي عايش عمري كله ببني انا في اوضه ويوم ما البس جديد يطلع قدیم ومش موضه
وغیری بیبنی فی الیوم
الف وخمسمیه اوضهة
دی لسیاحة ودی للتناحة
یوموا یطلع ابیض ولیلتی انا سودة
طب ام الدنیا ازی وهی مش امی
سیبة الکلاب بتنهش ومحلل دمی
لاقلتی یوم عیب ولا شیلتی فی یوم عنی
وبعد کل دة مسامحك یا بلد

الرجال أفعال

واخدة الكلام على صدرك ومضايقة وعايزانا نتساوى وانا راجل وانتى ست يمين تلاتة ما حاملة وخلايقة دايقة واظاهر نسيتي روحتى ولا جيتي بت اعقلى ومايزى خلى عقلك في رأسك مش بالكلام تضاهيني حتى اسالي ناسك انا الشاعر هيبة وطيبة وعيوني حراسك انا القديم مش موضة وفي تقليدي انا ماسك انتى في عيوني ملكة تنامي أخاف فاعد أنفاسك تساليني عن الحب الحب عندينا شقى احنا الرجال أفعال واسالي احساسك

أنا الماضى

انا الماضى انا الذكرى
انا المبارح انا بكرة
انا اللى بيك حبيت الكون
وكان نفسى تاخد فكرة

عشقتك كل يوم بضمير

وقلبى غصب عنى يغير

وياريت اقدر ابعد عنك

الااقى حبى ليك مقادير

عرفت الحب فخفت عليك بتوحشني بجد عنيك واخاف تغيب بعيد عنى وتفارق ايدى حبيبي اديك *****

هو وهي

تيجى نتكلم ؟

قول سمعاك

افردى وشك !

فارقة معاك

فارقة كتير يكفى هواك

شكلك رايق وانا تعبانة من الأولاد

طب ما انا تعبان بقالى سنين

فكرك يعنى هروح على فين ؟

شكلها ليلة مش هتفوت

واضح جدا علو الصوت

قولی یا ستی غنی وهاتی

هو موشح باخدة ليلاتى

ويوم ما اتنطط تيجي حماتي

روح يا حبيبى شوف كدة نفسك

انا تعبانة اكلك عندك غير لبسك

انا مش طافح

اوعى تقول سدتك نفسك

لا وعلى اية

لون أمى

امى لون مش من الألوان امى لونها شكله جنان شكل لايق شكل عايق شكل ملاك لابس انسان امى امى غير كل الأمهات امي عندي ست البنات كتبت بيتين شعر عامي قلت اوصف فيهم امى معرفتش اوصف فيهم تعبها كتر التعب على لساني ااااااة كل دة شلتيه يا امي

كلة دة كان بس علشاني تسلم فيكي اللي ربت یا زینت البنات صدق اللي قال الجنة تحت في أقدام الأمهات ربی یحمیکی امی يكفى انك تفهميني في الكلام قبل السكات يكفى انى غصب عنى فيكى ساكن انتى عينى وانتى ننى انتى سهم في قلبي ساكن رغم تعبى رغم قرفى رغم غلبى وقسوة قلبى بس لكن بحبك بحبك يا امي

خلیکی فاکره

ياك فاكرة بحبك تملكيني وتخليني انسى في الهوى ناسى ياك فاكرة يجى يوم تجرحيني وتكونى فية تاج راسى لا انا سايبك تتعلمي في الغرام ماشي تتدللي ماشي تتبغددي ماشي ولا اكسر في يوم قلبك الصافي بس من النهاردة لازم يا حلوة تخافي لما تكبرى علية وبالعند تجافى ياك هزعل عليكي عيب يا بت اتحداكي دا القلب مهما عشق مش هترجاكي مسكينة لو بعدك فاكرة انى هموت

لانى بعدك حر واقولها بعلو الصوت مش عايزك مش رايدك ولا تمنيتك يوم ياك فاكرة في وجودك مكنتش انا محروم كنت بقول الاة و100 مرة بقول مظلوم ياك فاكرة لما تمشى هتبكي وعلى قلبي هلوم واروح اشتكى لفلان وفلان واعتبرك هم من الهموم دورت في عيني على دمعة ليكي والله ما لقيت وانا ال كنت فاكرك ست وبنيتلك بيدى بيت قلت غلبانة طلعتى تعبانة وناويالي على الموت فاكرة زمان لما بقابلك وكنت احتار شفتى نفسك قلتى دة حبك سيبوا في نار

ده حتى الفنار

اللى بحبك فية طلع اثار

وحتى الصقالة

غرقت في البحر والزمن عليها جار

هتبقى انتى

لا يا حبيبتى دة الزمن دوار

ياك فاكرة ياك فاكرة

حبك مات في قلبي

خليكي فاكرة

حب يشبه حب أمي

حب ایه اللی مجننی حب پشبه حب امی اخدتي عيني اخدتي قلبي بكرة جاى اقابل عمى زى ما انت واحدة واحدة عمرى ما شفت زيك واحدة خلاص نويت افوت الوحدة وتبقى عينى وكمان الننى حب اية اللي مجنني قلبى حبك ازاى ولية لو على البنات أهم حواليه في يوم وليلة بتصبح فية

انت ناوی اکید تتعبنی حب ایة اللی مجننی من الورید کدة للورید حب طاهر لسة ولید بعشقك لو حتی بعید بس یاریت کمان تفهمنی حب ایة اللی مجننی حب یشبه حب امی

طمعان في إنصافي

احنا مش لوحدينا كلمتها ليه دايما وعلى طول في يوم اتمني العمر يقصر ويوم تانى ادعى المولى انة يطول عارف وشايف ومش صغير شبعان تقليد ومتربى على الاصول حابك بالقراءن والسنة ونبينا محمد ااخر رسول مش بالورقة والقلم ولا ابوها حساب الاقى قلبى اتظلم واصرخ اقول كداب بكدب انا روحى ومصدق الاحباب يا ريتني لا شفتك ولا عرفتك

ولا دقتلك باب

ياريت كان بايدى الحب زى الموت

امر وفرض وغلاب

الموت هوهو واتعددت الاسباب

متلومنيش بالمنطق

والله قلبي في حبك داب

کل همی تکون جمبی

ولجل الناس نكون اغراب

يلعن ابوها ناس يلعن ابوها دنيا

كفنى اشتريتوا خلاص

ولا اكون لواحدة تانية

ولو العمر بيتحسب بالفرح

يبقى معشتش فية ولا ثانيا

ما انتى حياتى وانتى روحى

انتى عيونى من غيرك عميه وإية يفيد بعدك النظر واية لزمتها بس عنية غير الدموع وابات موجوع لو اتغيرت لحظة عليا عازرك ومقدرك وشايلك على راسى بس غصب عنی دة شئ فوق احتمالي واحساسي لو خيروني بيك وبین اهلی وبین ناسی عارف انت الرد في الليل لية بتصبح ناسى حبك معشش فيا واختلافي بينى وبينك اخلاصي

مش قادر اعمل مش شايفك مش قادر اكونلك قاسى بس العيون فضاحة غلبت اداری فیها وعشان بس ارضيك عملتك تاج لراسى استكتروك عليا ويتموني فيك والله بالعاصى لو بيدى وجودك اموت انا رغم انی مش عاصی وحامد لربى ودارى النصيب استغفر الله العظيم وبشهدك يارب على الناس وطمعان في انصافي

إنت ملاك ماشي علي الأرض

انت ملاك ماشي علي الارض حبي ليك سنه وفرض اخاف انساك وانسي هواك هكون مدان في يوم العرض انت ملاك ماشي علي الارض **********

انت ملاك مش عايز غيرك همسه عمري اموت من غيرك قلبي في صدرك حبي اسيرك ميت فيك بالطول والعرض انت ملاك ماشى على الارض

انت ملاك وعنيك حلوين جرح بجرح خلاص خلصين مش في الشرع ومش في الدين اكون في شرق تكون في الغرب انت ملاك ماشي علي الارض

أنا العربي

انا العربي وانا المصرى وانا السورى انا المسلم بكتاب الله وكتابه مذهبي ودستوري وانا العارف اخرها حساب وهدفن تحت التراب فنخاف على بعض احترم شعورك وتحترم شعورى ليك بيت ملكك ودة سورك ولية بيت ملك ودة سورى فماتدخلش في امورى وإنا صاحب ملك وعقدى أخضر مش سورى يلعن ابو روسيا على الامركان باسم حقوق إنسان انا اسف وعشان تفهم Im soory ما انا العربي وانا المصرى وانا السورى انا المولود في الموصل ولو لية هدف يمين هوصل ومتربى في الجولان وناس امي ساكني ليبيا وربى كاتبلى في القرءان لازم صلة الرحم توصل قعدت سنين في بيروت وفي اليمن ليا بيوت حتى الجزائر ولاد عمى وتونس كل خلان امي ولامكة والكعبة عمامي هناك والنعمة وعشان المسجد الأقصى زيد في الحب واتوصى انا العربي حدودي من الاقصى للاقصى ياريت تفهم مهما تكون كسبان لازم في يوم ياجي دوري انا العربى وانا المصرى وانا السورى

الكتابه

بلاقى نفسى في الكتابة وغير الكتابة بجد ماليش نفسى أعيش زى الديابة هي الكتابة تاكل عيش بس الكتابة مش كلام هاتلی بیت من غیر حطان الكتابة لو جد حرة تبنى وتعمر اوطان بيقولوا شاعر صحيح وبيكتب بس النصيبة كلة بيكدب حتى الكلام يجرك سجن

يادى المرار الطافح والليالي الحزن يكفى بس تقول معاييش هي الكتابة تاكل عيش بلاقى نفسى في الكتابة وغير الكتابة بجد ماليش غير الكتابة انا معرفش كان نفسى أكون بالف وش وش يفرح وش يبكى وش صادق وش غش بس في الكتابة متغمرش كدة كدة فقرى وعشاك المش فماتكترش ومتسالش حتى السجن

فى بلدك نعمة فماتغنيش هي الكتابة تاكل عيش خليك عاقل وابعد يا بنى اوعى تقول ابويا ماقليش هى الكتابة تاكل عيش

راحه

ياك فاكر راحتك والسعادة وسط البنات السعادة أن وحدة تكون في قلبك وتبقى ليك ست البنات السعادة حب دافي واحدة حلوة بقلب صافى تفهم فيك حتى السكات السعادة حاجة واحدة تكون حياتك ملك واحدة في الحياة قبل الممات السعادة مش كتير

بس نرضی واوعی تنسی أن امك قبل ابوك كانت بنات كل بنت عنيك عليها لم نفسك تكفى واحدة بتكون ليك سكر نبات ياك فاكر راحتك يا قلبى وسط البنات

مفيش غيرك

مفيش غيرك وسط القليب ولا قبلك يا روح الروح بس اشوفك أو اقبلك صدقنی انت الوحيد لا قبلك ولا بعدك طب وليا مين غيرك واعمل اية في بعدك بعدك ضنانى الشوق ما تقولوا كان مالى ياورد من غير شوك وكل رأس مالى

فات الهنا والزوق ومن بحر الغرام راح مالى لو الهوى مقادير الموت في بعادك رحمه لي شبكنى في غرامك وآخر المتمة قال وانا مالى لو اعرف للحب ظاهر ما كنت عرفتة ولا كان اليوم حالى انا اقاضى قاضى الغرام ما كنت بعيد وكان القليب خالى لا عرفت يوم التعب

والشقاء الله یجازیك یا هوای شمت فیا عوزالی

جمال

الجمال فيها زيادة لابسة غالى أو رخيص والأدب كمان بزيادة كل يوم ألفين عريس والغزل دة عندي عادة تتولك زى الحشيش حبة رايق حبة فايق حبة غيرى ما يساويش النصيب عنها بعدني واعمل اية انا في النصيب فكرك اموت ولا اعيش والجمال فيها زيادة

أبويا راجل فقير

ابويا راجل فقير وعلى قد حالة مش عيبوا انوا فقير العيب في عيالة اللى زعلان واللى قرفان واللى عايز راجل مكانة بيعايروا ابوهم بالفقر ومش عجبهم عنوانة فيهم الحرامي والكسلان

واللي عايز قطع لسانة ومن امتى الكبير بيتعاير على شقاة وحرمانة يعمل اية الكبير لو الصغير ماحسسش كل البيوت تعم ر بالعمل واحنا بيتنا معمرش وكآن ابويا واللي عملوا في عيالة متمرش يمكن يكون غلطان والهم زاد عليه والعيب اكيد مش عيبة انت اللي عامل بية

ما تعيش عيشت

اهلك والغالى يرخصلك

عمر الراحة ما كانت كلام

أظهر وبأن على اصلك

مش عاجبة بيتوا دة

عايز قصر

كل كلامي مع احترامي

دة على مصر

كل ولادة عايزة الراحة

يصحى كمان ف صلاة العصر

عايز يفطر عايز

يشتم قلة ادبوا

فوق الحصر

وغيروا بيتعب

ربنا كارمة تفكيره حميه وجيبلوا النصر بعد دة كلة العيب على مين مالها یا ناس حبیبتی مصر

غصب عنك

انا غصب عنك راحتك وغصب عنك أكون يا ام القليب أخضر معرفش حتى يخون خایف علیك بعدی خایف یا قلبی تکون ویا خوفی من بوعدی كل الليالى تهون كل الليالى تروح وياروح ما بعدك روح صحيح انا المجروح

خلصان قليب مدبوح خایف علیك تنسانی ساعات دقايق ثواني طب هو العمر من غيرك هستنی ایة تانی انت الهواء انت الدواء وانت اكيد اكيد عنواني خایف علیك تنسانی خایف علیك و على نفسى ليالى تفوت وكان نفسى أعيشها معاك أكون وياك ورب العباد مبينامشي فكلوا كلام والكل راح يمشى ليالي تفوت وكان نفسي

وهاتعدى الليالي

وهاتعدى الليالي طوال طوال واقابل ناس بشكل الديب ونتغير ونتحول عن الأول والغالى فينا صبح كراكيب ما انا استاهل واظاهر اخدنا خلاص على المراكيب اخدنا خلاص على القسوة وكآن العمر ما بيسوة وبنرخص صبحنا بلاش أمانة عليك ما تفكرناش ما انا العايش بقالي زمان

ما انا الراضى ومش راضى وطول العمر قاعد كربان اكونلك حضن فكونى امان ما انا مهما كبرت انسان حنى بقى شوية يا ام القليب اخفيف مهما طال الشتاء لازم في يوم نصيف معزورين شبابك حبین بجد ترابك والعيب مش فينا والله راح نبنى لازم فی یوم نجنی من كل أراضينا

من كل شبر فيكى
تسلم بجد عنيكى
وتسلمى سيناء
يا مصر كل الحكاية
نراضيكى نلقاكى تراضينا
وهتعدى الليالى طوال طوال

حنى وخدى نفسك

حنى وخدى نفسك يا ام الليالي طوال دة مهما كان البعد يكفيني حتى السؤال علی عینی یا نور عینی هموم على كتفى حمول تقال ولا كلوا بيتفسر مش كل الكلام يتقال بدعی انا ربی والله ياقلبي تتعدل الأحوال والله لو بیدی یوم ما اتاخر صعب ومحال

بس النصيبه كبيره
وحشتينى اخلص وتعال
تلاقينا زى ما احنا
فى مطارحنا لو عمرنا طال
حنى وخدى نفسك
يا ام الليالى طوال
لازم انا اصبر
لازم أكون حمال

إمتى الأدب أحسن ؟!

ياللي نويت على الأدب امتى الأدب احسن في ناس تصون الأدب وفي لم اللسان تسلم ابعد عن تربيت اموا ربایت الراجل احسن خليك راجل لسانك من قبل ما تندم وصون عرض الناس بالأدب اللي بلا دين أسلم خليك وجهة لدينك

سيدنا النبى احسن شفت اية فى الأذى مهما شفت اكيد بلسم مهما شفت اكيد بلسم الدين والشقاء زمان وانت كبير اليوم مسلم مسلم بالكلام صلاة النبى احسن ياللى نويت على الأدب احسن امتى الأدب احسن

عمری ما کنت ریس

عمری ما کنت ریس ف المركب ولا مسكتلك دفه ولا ف عز البرد حنيتي ولا عرفت يوم اتدفى يا مصر توبك غالى على الكل ذاد غطى وكفى بس ولادك ظالمة وكفه على كفه ميزان عدلك خلاص خاب وما وفه كان ودى فيكي العدل يعود وتنعدل معاه الكفه یا مصر انتی کل شئ ثابت وانا يومين كمان واتوفى

فبلاش تبيعى دمى اللى سأل عشانك واتصفى عمرى ما كنت ريس فى مركبك ولا مسكتلك دفه

جوه وریدی حب لبلدی

بس في مصر تلقى الشقى مليان المر بتعلمني بتقويني وتخليني دايما حر ايوة انا مصرى غصب عنكم جوة وريدي حب لبلدي بدل الدم تشوفوا يمر عمری ما ابیعها عمری ماسیبها هو العمر أكيد من غيرها ما يصبح عمر كل تعبى وشقايا فيها بتقويني وبتحييني وبتخليني أدوب في عنيها يا ناس السمر أول حب تشوفوا عنيه

اول حب غالى عليا ال يفكر يجى يموت ما يشوف منى غير الشر بس فى مصر تلقى الشقى الشقى مليان المر

بلاد فرعون

في بلادنا بلاد فرعون تقدر على اللي بيحصل تقدر على اللي يكون دة مهما يكون مش هتوصل في بلادنا بلاد فرعون ***** ممكن نكون ظالمين واكيد بدة عارفين بس ساعة الجد نقف وبنكون العون في بلادنا بلاد فرعون

واسال علينا كتير يمكن تشوف تقصير بس عشانك يا مصر العمر كلة يهون في بلادنا بلاد فرعون

تعالى وشوف بنفسك تعالى لو كان نفسك تموت هنا فى بلادنا عارفك بتقول مجنون فى بلادنا بلاد فرعون فى بلادنا بلاد فرعون

غرام فاق الكلام

حبك غرام فاق الكلام مش عارف انام لية تصحيني اسهر ادوب وانعس يدوب تجرح قلوب وبتشفيني افرح ساعات وانسى الحاجات مع أنها دى قصاد عيني ما عارف اروح دة الروح تروح ما انا المجروح قلبي كويني وجعی یزید لو هو بعید ومفيش جديد حبوا مليني واهرب على فين يا عاشقين

والصبر منین کدة دلونی فی خطر قلبی فی خطر هو القدر یاریت سامحونی یاریت سامحونی یاریت بایدی ابعد یا سیدی قطعوا وریدی ودباحونی یمکن أتوب منیش أیوب بعد الغرام لیة هجرونی

العيب مش فيكي

ازيك عوافي توعد توافي والعيب مش فيكي وان کنت جافی یا بحر صافی وحياة عنيكي لا ارجع أكون وانسى السكون وانا اية أكون غير بس ليكي یا مصر عدی مین بس قدی انا بس بدى والله اقوم ارفع شعارك واطفى نارك وابنى ديارك لوحتى يوم أن شاالله ساعة اخدها طاعة

لاجلك اصوم

لاجلك اموت وادخل تابوت

لا انا صاحى ولا أعرف نوم

ما انا اللي من غارب جتلني السيل

من بین کل الناس تلقینی مهموم

إحنا الأسياد بكتاب الله

مش في الفلوس معندناش فلوس عايزين يهدوكي وانتى ضهر العرب لا يبقى لينا صوت لا يبقى لينا حس غير لما نصرخ واحنا بننضرب عرفتي عايزين اية عرفتي خايفين لية عرفتي هما في الاصل كانوا وبقيوا اية

هما الكلاب

واحنا الأسياد بكتاب الله

ذاكروا كتابنا مشيوا

عكسوا في بالهم يغيروا

فى يوم وليله

إرادة الله حاشى لله

احنا المسلمين لنبينا

واصلین کنا فی یوم

للعالم ده حاكمين

فمادمتش لينا

تفتكروا هدوم لمين

والله بكسر الهاء لحكم

ربنا راجعين

تحية لسوريا تحية

للعراق تحية لفلسطين تحية لبورما ومسلمينها اللي على البلاء صابرين لا إله إلا أنت سبحانك كل العرب ظالمين كل العرب ظالمين

على قد حالى

على قد حالى لا ركبت بسات ولا اشتريت الجتا وكل يوم عند الدكتور يكتب علاج ويملأ بيه الروشتا ولا في المعادي ساكن بيتى بسيط لكن فى اشرف حته ومنيش عضو في النادي ولا تليفوني ايفون

ومسميه عده ولو على المرجله راجل طالع من العشش والحراجية واتحدى أى حد خلقة ربنا يستقل بية اكيد بيه اتغدى

رغم إنك مش معايا

سبت حاجه في كل حاجه رغم انك مش معايا سبت ایه ازای ولیه رغم واضح من البدايه أن حبك كان قتلنى أن قلبك كان بيعنى باختصار أن قلبي يوصل للنهاية سبت قلبي معاك خايف عليك

من الخوف يمكن تكون تعبان يمكن تكون مجبور تحت اسم الظروف ساعتها هكون عارف زيك هكون تعبان فبعت عينى تشوف تطمنى على الغالى اللى فايتلوا انا الغالى وفى اخرتها الاقى الشر بيكون رد على المعروف يسأل جسمي فين اخواتي فين القلب فين العين ياريت فيكم حد يرد

انا حيران انا مكسوف رجعت عايش من غير قلب ومن غير عين الناس تقول ياليل وانا وحدى بقول يا عين ارحموا ذليل المحبة وبلاش تكسرولوا العين كفاياة ظلم الاحبه والجروح تعمى العين

كل يوم افتح دولابها

كل يوم افتح دولابها واعد هدومها حته حته واللف بيتى ركن ركن والله وفي كل حتة اشوف عنيها مع ضحكتها اقول مش راجعه لية بيتها یا ریتنی ما ودیتها وياريتنى ما لفتها فى قماش ابيض منیش کافر

ولا قليل دين انا لو على الموت ميت قبلها بساعتين ازاى أكمل حياتي وازاى انام ليلاتى وهی مش جمبی وازاى اربى ولادى وعينى مكسورة منهم بدارى وتخبى حزنی جوة منی قتلنی معذور سامحنی یا ربی مش بئيدى الشوق وروحها جاتلك فوق والله ومسلم

ورغم كل الجروح وانی میت خوف والله ما اتكلم والله يا ناس ما عارف اوصف فاسكت خالص تلقوني متبلم مش مصدق حالى انها سكتت خالص مستحيل تتكلم بس کل یوم بتجینی وبشوفها بعينى والله وبسلم ملعون ابوك يا فراق طيرت عقلي والناس هتقول خلاص محمد اتجنن

اليوم في بُعدها سنه

اليوم في بعدها سنه والسنة في قربها يوم ومليش انا في حساباتكم مالى ومالكم ما عليا لوم كل اللي اعرفة 38 عام من العذاب ما نقص عذابهم يوم طب انا لو كداب وقلت والله كفرتها ايه رد الشيخ استغفر العظيم يا ولدى وكفرتها صوم

ومنيش كداب

وكدبت عليهم

كتر كلامهم بأن في عنيهم

اللى يقولى اتجوز

ربى عيالك واللى يقولى

امك مش دايمالك

قلت اكدب واشترى نفسى

ما كفرتها صوم

ولا اخون مراتى ولا اشوف

غيرها اليوم وبعد اليوم

هو بعد الهنا

والأمان والحب والحنان

مين اللي قال

مراتى من النسوان

صحیح مراتی ماتت فی عنیکم بس والله کل لیلة بتجینی وفی حضنها بنام

ماقصرتيش

انا اللي طول عمرى ماشى عكسى ومشايفش هي اللي حباني وصينان وشيلاني فوق راسها كل حاجة تعملها بحب ولما تيجى تطلب اقول مقدرش وازاى بتصون عشى وانا البعيد بالف عش كرهت حياتي لما بخونها وازاى اقابلها وباى وش تسلم فيكي اللي ربت وخلتك في عنيه ملاك

في شرع مين اللاقي الحب عندك واللي عندی کلوا غش والله حقك عليا سامحيني عشان خاطر ابویا میزعلش جانى بالليل في الحلم وقلى عيب بنت اختى الغالية نصبها على قلبك ملكة تحكم فيه لية ما تحكمش مدام فارد في الهواي باعك ونكار جميل تبيعى ال اشتراك وتشترى ال باعك وتنسى الأصيل

همس العيون

خليك فاكر أنها سترك
وأنها تبيعك صعب ومستحيل
بنت أصول وعارفها
محكومة مقاسك
وكأنها تفصيل
صعب تلاقى اللى تشيل
عيوبك وانت عيوبك كتير
خليك وراها قدامها
مش هتفرق المهم مهما تعمل
في عنيها تفضل جميل

ألف حاله

ليها معايا الف حاله اول حالة امى كانت بتراعيلها ومتشتكيش وكأنها أمها مش امى وانا البعيد غبى ماحستش وكنت في حبها امي لا أعرف أقرأ فى حبها ولا اكتب وكانت بتشيل عنى

همس العيون

لحد ما راحت منى وانا ساكت ومتغمى ما عارف اقول ما عارف اعمل اية غير كلمتين في حقها يتصنفوا في بيوت الشعر عامى ماهى في الاصل بنت عمتى لا من خالى ولا عمى هي اللي شالت في حشاها ولادي هى اللى ربت فيهم وشالت همهم عنى وانا بغبائى مبسوط لحد

ما الموت خدها منى وفاتتنى بالولادين مین یربی مین یکبر فیسالونی یا ابویا فین امی معرفش ارد عليهم ابكى واقولهم روحوا اسالوا امى يمكن تلاقوا الرد وانا قاعد يا ولادى مستنى ليها معايا الف حالة اول حالة امى

تاني حاله

تانى حاله معايا اخواتى عمرها ما زعلتهم وكانت اختهم كانت أحلى حاجة في حياتي تعرفوا بقصد مین ؟ مراتی يسلم دين ابوها وتسلم تربيتك يا حماتي خلفتيلي بنتك علمتيها الخير وكل حاجة معاها بتتعمل بضمير حتى في حبها لیا قلبها کان کبیر شايلة البيت لحالها

ومفيش حبة تقدير ولا عمرها اشتكت منى رغم كل التقصير ال كان في حقها اميرة بنت أمير كانت من بيت عالى كانت من بيت كبير يسلم ابوكى القاضى دة سرى كان في بير فين اللاقى زيك بيقولوا فيه كتير يقولوا مهما يقولوا لا شفوكي ولا عرفوكي

لا عرفوا حاجة عنك ولا عرفوا حاجة عنى ليها معايا الف حالة اول حالة امى

مصارحه

اوعى تصارح يوم بحبك للتحبة نقطة ضعفك مش في عدوك نقطة ضعفك في اللي تحبة هو أقرب منك ليك يوم ما يحس يبكى عنيك هيقول بحبك بس بيعند وهو كلام طاوع رجليك طاوع قلبك كنت حبيبوا سكنت لة جاروا سد الشبابيك لو حب يشوفك كان يوم شافك خدها نصيحة حب بعند سيبك من الحب الله يهديك

سيبك من اللى يهينك وكمان بيفرط فيك

سنين فاتت وناس ماتت

سنين فاتت وناس ماتت وكله عايشها في الأوهام ولا نتعلم ساكت ما بتكلم وكإن العمر عدى حرام سنين وسنين ولا فاكر وعشت العمر انا فاجر ولا كإن فيها حساب رغم انی مسلم مش کافر سرحت بعقلي وانا شارد ونسيت انى ميت مش خالد وسنين سرقاني وبعاند وعشت فيها العمر ساعات

قالولى ميت مافهمتش كتر كلامهم فهمتوا سكات يارتنى فهمت ماكنت ندمت وعدى العمر محمد مات قلت الرحمة وارجع تانى قالوا نهايتك وقتك فات قلت انا بحلم مش معقول راحوا دفنيني مشوا على طول فين العزوة وفين الاهل فين الناس سابونی فی قبر وفين الصبر

عبى الكأس

انا انتهيت

بكرة حسابى مع رب الناس

الفاتحة أمانة

عارف كام يوم ويوم

وتوهوا في الدنيا

وتنسوني من الاساس

سنين فاتت

وناس ماتت

اهى كلمة نقولها

وبس خلاص

مكتوب لى العذاب والشقاء

مكتوب لي العذاب والشقاء خليك في الهنا وحدك ناسى العذاب والضناء والفرح ليك ومن اهلك الحزن عارفني وعارف لو خونتة يوم اهلك ف أخاف عليك ابعدك عنى يا حتة منى رغم انى استاهلك بحن واجريلك تجرى أخاف اقول على مهلك ولو لمحتك في شارع يوم صوتى يروح منى وعينى تندهلك عرفانى بحبك وعرفانى شاريكى وكتير غلبت اللمحلك مكتوبلى العذاب والشقاء خليك فى الهناء وحدك أظن واضح كلام من غير ما وضحلك

الكحل في عيونها

حبيبتى لما بتتكحل وتتمايل أتحدى بيها الكون يفوق جمالها القمر والسكران بيفوق وعلى وعلى راسى من فوق وحبها زاد وغطى وعلى راسى من فوق لو تفهم كلامى تعرف بالعافية أو بالزوق اتمنيتها تكون بحر وانا ليها الموج من غيرها ابيع انا نفسى فى اى شادر أو سوق زمن الرقيق فات إلا انا فى رقبتى قتلنى الطوق حلونى أمانة تعبت مش قدى تعب الشوق

صباح الخير

صباح الخير یا حلوة لساکی زی ماانتی لساكى بنت أكابر ونهر النيل جواكي بيعدى لسة لمة الناس الطيبين لسة قولى لو في حنين ومتصدقيش والله ما هونتی لساکی زی ما انتی لساكى جوة منى لساكى غصب عنى

یا مصر عین وننی یاریتوا کان بیدی

لساكى زى ما انتى ولساكى زى ما انتى ولساكى زى زمان كلك دفئ وشوار عك امان والله مشتاق تحكيلى اشوف غيطانك وارقص على نيلى واللى يخونك ملوش عندى غفران لساكى زى زمان لساكى بنت بنوت خضراء لسه الهوا

ماهدكيش يا سمراء عارفك عنيدة وبنت أصول

واللى يعاندك يشوف عينك الحمراء بحبك بحبك ولساكى بنت بنوت خضراء

محتويات الكتاب

الصفحة	المحتوى	م
2	بطاقة الكتاب	م #
3	الإهداء	#
4	أثا أستاهل	1
7	ظلمك لى	2
10	مین یزاید علیا	3
13	الرجال أفعال	4
14	أنا الماضى	5
16	هو و ه <i>ی</i>	6
18	لون أمى	7
20	خلیکی فاکره	8
23	حب يشبه حب أمي	9
25	طمعان في إنصافي	10
29	إنت ملاك ماشي على الأرض	11
31	أنا العربي	12
33	الكتابة	13
36	الراحة	14
38	مافیش غیرك	15
41	جمال	16
42	أبويا راجل فقير	17
46	غصب عنك	18
48	وهاتعدى الليالي	19
51	حنى وخدى نفسك	20

53	إمتى الأدب أحسن	21
55	عمری ماکنت ریس	22
57	جوه ورید الحب بلدی	23
59	بلاد فرعون	24
61	غرام فاق الكلام	25
63	العيب مش فيكي	26
65	إحنا الأسياد بكتاب الله	27
68	على قد حالى	28
70	رغم إنك مش معايا	29
73	كل يوم أفتح دولابها	30
76	اليوم في بعدها سنة	31
79	ماقصرتيش	32
82	ألف حاله	33
85	تاني حاله	34
88	مصارحة	35
90	سنين فاتت وناس ماتت	36
93	مكتوب لى العذاب والشقى	37
95	الكحل في عيونها	38
96	صباح الخير	39
99	محتويات الكتاب	#